



МЕСЯЦА НОЯБРЯ В 5-Й ДЕНЬ

Святителя Іоны,
архиепископа Новгородскаго, чудотворца

НА МАЛОЙ ВЕЧЕРНИ

Стихиры, глас 8.

Подобен: О, преславнаго чудесе:

Иодружение истины, / благочестия согласника ты знаем / и веры освящение, / чистоты же селение, / приятелище избранно, / святителю преподобне Ионо, молим тя: / в мире нам моли сохранитися, / да присно славим и воспеваем Господа нашего, / прославляющего и тебе ради подающего нам спасение / и велию милость.

Житие твое добродетельми украсил еси, / светильник яже быв и хранитель Христову стаду, / деяния бо видения яже показал еси восхождением, / яко душу согласил еси детельно, / и изрядно к видению взятся, / и зриши Господа, отче Ионо. / Емуже прилежно молися / даровати мир миру, / спасение же и многую милость / почитающим нам священную память твою.

Воздержанием прежде умертвив плотская мудрования, / священнодейственник был еси, / Божия Божественно совершая / и честнейшим помыслом чисте прикасаяся, / служитель явился еси Вседержителю, архиерею Ионо. / Егоже умоли, яко Всемилостива и Блага, / даровати мир миру / и душам нашим велию милость.

Слава, глас 4:

Веселіся и радуйся, Великий Нѡвградѣ, / да играють сѣны твоѣ в тебѣ, / свѣтло торжествующе в память иерарха Иѡны, / сиротам и вдовам предста-теля, / скорбящих утѣшителя, / прибегаящим к нему помощника и тѣпла заступника, / призывающих его скоро послушающа, / сердца наша на милосѣрдие и тихость прелагающа / и противныя примиряюща: / предстоит бо Господеви, моляся умирѣти мира / и спасти дѹши наша.

И ныне, Богородичен:

Вѣлие и преслѣвное, еже о Тебѣ бѣвшее, чѹдо, / и кто доволѣн изглаголати сѣлы Господня, / яже о Тебѣ бѣвшия, Богородице? / Устрашает бо ум наш велика видѣния достояния, / яко непостижимаго Твоего таинства глаголати не могуще. / Кто бо слыша от века Дѣву дойвшу / и Матерь без мужа явльшуся на землі, / и Своего Содетеля яко Младенца на руку носившу? / Тѣмже ты вси рѡди ублажаем.

На стиховне стихиры, глас 7:

Отче священне Иѡно, / ты освятился еси благо-дѣтию Всесвятаго Дѹха / словесному стаду Христѡ-ву, / но яко Владыце твоему подражателъ, / милова-ти нас жив сый не престал еси. / И ныне такоже моля не претай / избавити нас от всякаго лютаго обстояния / и спасти дѹши наша.

Стих: Священницы Твои облекутся в правду, / и преподобнии Твои возрадуются. **Глас 1:**

Отче преподобне Иѡно, / ты, земная мудрования воздержанием умертвив, / дѹшу направил еси к невлаемому * наслаждению. / Проси нам невлаемо преити пучину жития, / прелагая стрѡпотное в тишину, / подавая хвалящим тя мир и спасение, блаженне.

Стих: Блажен муж, бойся Господа, / в запове-дех Его восхощет зело.

Отче Иѡно блаженне, / данный тебе талант умножил еси, / радости сподобився Господа тво-его, / испещрен благодати сиянием, / зарю духов-

* невлаемый — тихий

ною блиста́я, / предстои́ши Го́споду. / Проси́ изба́-
витися нам вся́каго гне́ва и озлобле́ния, / да в ми́ре
сла́вяще Го́спода, / при́сно тя ублажа́ем.

Слава, глас 5:

Прииди́те, ве́рных сосло́вие, / соше́дшеся, вос-
хва́лим архиере́я Ио́ну, / и́бо до́брый па́стырь, /
пасо́мья руково́дя к ве́ре сло́вом и́стинным / и ве́ру
изве́ствовати добродете́лями наказу́я. / Те́м и Хри-
сто́с возда́л е́сть сему́ мзду, / яко до́брому рабу́
Своему́, / и нам, блажа́щим па́мять е́го, / да́рует, яко
Бла́г, / мно́жество щедро́т Свои́х е́го ра́ди / и
бо́гату ю ми́лость.

И ныне, Богородичен:

Раду́йся, двере́ мы́сленная, / е́юже про́йде пре-
ве́чный Бог; / раду́йся, же́зле Ааро́нов, / израсти́в-
ший цвет от ко́рене Иессе́ева; / раду́йся, трапезо́, /
я́же Хлеб жи́зни на пи́щу все́му пода́вши ро́ду
челове́ческому, / Де́во Ма́ти Чи́стая.

Тропарь, глас 4 (зри страницу 114)

НА ВЕЛИЦЕЙ ВЕЧЕРНИ

Блажен муж: 1-й антифон.

**На Господи, возвах: поставим стихов 8 и поем
стихиры, глас 6.**

Подобен: Все отложше:

Я́коже звезда́ возсия́л еси́ на тве́рди Церко́в-
ней, / озаря́я мир исправле́нием Сло́ва и́стиннаго,
му́дре Ио́но, / вдовы́ и сироты́ снабдева́я оте́чески /
и ни́щия ми́луя, / оби́димыя изима́я, вражды́ уто-
ля́я, / мир утвержда́я. / Христо́вых за́поведей
делателю́, о́тче всесвяще́нне, / проси́ ми́ра ми́рови,
мо́лим тя, / и спасе́ния ду́шам на́шим.

До́стойно на тя архиере́йства наре́чение при-
и́де, преподо́бне о́тче, / отроча́ти е́ще тебе́ су́щу: /
дея́ния бо в тебе́ Богоуго́дная воспита́ема, / кро́-
тость с незло́бием. / Тем во дво́ры Госпо́дни
вселя́ешися, / яко тако́в подоба́ше архиере́й бы́ти
преподо́бен. / Но яко има́ши дерзнове́ние, / моли́,
мо́лим тя, умири́ти мир / и спасти́ ду́ши на́ша.

Преподо́бне архиере́ю, / избóлил еси́ примета́-
ти * себе́ в до́му́ Бо́жии / па́че, не́же жи́ти в селе́х

* приметáтися — приютит́ся

міра, / и по́стническими правилами испытовáшеся, / послéдуя знаменонóсцем, отцём вели́ким, / Варлаáму и Сёргию. / Тёмже и Господь изведé тя пáстыря лю́дем Своём / и яко вёрну рабу́ стрóити дúши сих поручí. / За нýже моли́ помíловати я́ и спасти́.

Слава, глас 1:

Приидíte, Вели́каго Новáграда лю́дие, / духóв-не торжествúим, / днесь бо день покóя трудóв дóбраго нáшего пáстыря, / в óнъже пёсней трубóю возглашáюще: / рáдуйся, светíло свётлое мíрови; / рáдуйся, мысленнаго Сóлнца свётлый óбразе; / рáдуйся, зарýми добродётелей осиявáя вся́. / Но, óтче прекрáсне, / ходáтаю мíра и застúпниче тёплый ста́ду твоёмú, / не престáй моли́тися, мо́лимся тебé, / спасти́ся нам от вся́каго навéта, / любóвию чтúщим священную пáмьять твою́.

И ныне, Богородичен: Всемирную славу:

Вход, прокимен дне. Чтения 3 святительская (зри страницы 386—389)

На литии стихиры, глас 1:

Свётлый соделовает прáздник днесь / священ-ный храм честнáго и слáвнаго Крестíтеля Господ-ня, / рáдостно Христóва Цёркви блаженнаго свя-тителя Ио́ны, / яко мíро благово́нное, облагоухáя нам священныя благодáти, / и болéзней отгнáние, / и яко лóзу винограда живóтнаго, / вино́ искапа-ющую исцелéния, / возвеселя́ющее сердца́ напáстных печáлей разгнáнием. / Тём мо́лимся емú, / просяще мíра и спасéния душ нáших.

Глас 3:

Ты, укра́шен добродётельными дея́нии, / Несоз-данныя Трóицы храм освящён был есí, / создал есí священныя хра́мы Господню́ Имени, / и во и́мя слáвнаго Крестíтеля, / и вели́ких святíтелей, и Богоно́сных отéц. / И ны́не с нíми водворя́йся, / моли́ о творя́щих пáмьять твою́ / избáвитися от лука́ваго ловлéния и собла́зн протíвнаго, / иерáр-ше Ио́но блаженне.

Глас 4:

Веселíся и рáдуйся, вели́кий Нóвграде, / да игра́ют сы́ны твоя́ в тебé, / свётло торжествúюще в пáмьять архиере́я Ио́ны, / сирóт и вдов предстáте-

ля, / скорбящих утешителя, / прибегающим к нему помощника и тепла заступника, / призывающим его скоро послушающа, / сердца наша на милосердие и тихость прелагающа / и противныя примиряюща: / предстоит бо Господеви, моляся умирить мир / и спасти души наша.

Слава, глас 4:

Приидите, люди, / иже великаго Новграда порождение, / всяк род и возраст, / песнями почтим добраго пастыря, / яко того предстоянием ко Христу / даровашася благая вся граду нашему от Бога / и всем пределом его, / ибо благословишася благодатью венцы лет епископства его. / Господь даст благодать его ради, / и земля наша подаваше плоды своя, / насытятся всяка душа благоволения тогда, / умиришася вси языцы противнии, / и приклоняшася стран христоробцы владыки державнии, / милостивными очима смотряюще, / тихое промышление подаваху, / радость и мир всяческая приимаше. / Но, о блаженне Ино, / и ныне таковая даруй людям твоим, / да и честную память твою, чтуще / присно, ублажаем.

И ныне, Богородичен: Призри на моления:

На стиховне стихиры, глас 2:

Последователя ты познахом, отче, / короткаго и незлобиваго Владыки Христа: / тихое бо слово и нрава молчаливое / от юности се возраст в тебе, / смирение же, и красное, коротости совоспитаемо, / и с сединою спросияюще разуму. / Темже Иже вся ведый Господь / произведет ты пастыря словесному стаду Своему / и на престоле первопрестольника Божия Церкви посади ты, / яко паствующа сия преподобием и правдою.

Стих: Священницы Твой облекутся в правду, / и преподобнии Твой возрадуются.

Не по земли низитися, / ниже на тлеющая взирати, / и ревновати миродержителем / помыслы души твоея утвердишася, священне Ино, / но возвысился еси на высоту безсмертныя добродетели, / безсмертныя жизни рачителю, / яко поучился еси навикнути у короткаго Учителя / и

смирённаго сёрдцем войстинну Влады́ки Христа и Бо́га./ Того́ моли́, блаже́нне,/ ущедри́ти мир/ и спасти́ и просвети́ти ду́ши на́ша.

Стих: Блаже́н муж, боя́йся Го́спода,/ в за́пове-
дех Его́ восхо́щет зело́.

Возлюби́ чи́стая ду́ша твоя́, блаже́нне Ио́но,/
чистоту́ Божество́нных чи́ститель,/ и́же верх учи́-
тельства, и пра́вило добродете́лей,/ и естества́
украше́ние,/ войстинну Небеси́ изъявлéние*,
иерархом нача́ла:/ Божество́ннаго Никола́я и
Вели́каго Васи́лия,/ Богосло́ва Григо́рия, Злато-
уста́го же Ио́анна,/ и́хже священны́я хра́мы воз-
двигл еси́,/ я́ко войстинну во двори́ их жела́я
вселити́ся,/ иже во све́те присносу́щныя ра́дости/
Живота́ вечно́го, Нача́лопа́стыря Христа́./ Того́ с
ни́ми, иерарше́, не преста́й моля́/ умири́ти мир и
спасти́ ду́ши на́ша.

Слава, глас 6:

Преподо́бне, блаже́нне, архиере́ю свяще́нне
Ио́но,/ крото́сть и незло́бие твоё удиви́ша кня́зи
благочесты́выя,/ и войстинну от ду́ши возлюби́ша
тя:/ ра́ди бо добродете́лей исправле́ния/ обрёл еси́
благодать от Бо́га./ Те́мже и кня́зи почто́ша тя,/
моли́тв твои́х и благослове́ния тре́бующе,/ при́сно
благопослу́шны быва́ху преподо́бию твоему́,/ и
лю́ди твоя́ незло́бием снабдева́юще./ Но и ны́не
лю́дем твои́м предсто́я́ бу́ди,/ и благопоспеше́ние
да́руй моли́твами твои́ми,/ и ду́шам на́шим ве́лику
ми́лость.

И ны́не, Богородичен: Творе́ц и Изба́витель:

На благословении́ хлебов.

Тропарь свята́го, глас 4:

И справле́ние ве́ры, и о́браз крото́сти,/ и я́коже
мир просвеща́еши,/ и сегó ра́ди к моще́м твои́м
любо́вию прикаса́емся и ве́рно вопи́ем:/ предста́ни
в по́мощь воспева́ющим па́мять твою́ светонóсную,
отче Ио́но,/ и моли́ спасти́ся ду́шам на́шим.

Дважды.

И Богоро́дице Де́во, ра́дуйся: единожды.

* изъявлéние — указание, показание

НА УТРЕНИ

На Бог Господь: тропарь святителю дважды. Слава, и ныне, Богородичен: Ёже от вѣка утаёное:

По 1-м стихословии седален, глас 1:

Плоды словесныя принося, мудре Иѡно, Господеви, / восхваляя архиереи с преподобными Егѡ пѣсньми, / с нимиже в земли живых радуешься, / яко славу их возлюбил еси. / Тѣмже с ними, ѡтче священне, о нас, восхваляющих тя, / не престаи моля Царя Небеснаго / и Спаса всего мѡра Христа, Единаго Человеколѡбца.

Слава, и ныне, Богородичен:

Пророцы Тя ясно провозвѣстиша, Отроковице, Матерь Бѡжию, / и Апѡстоли Божественнии в мѡре проповѣдаша, и мы веровахом. / Тѣмже вси, благочестномудренне почитающе, воспѣваем Тя / и Богородицу воистинну присно именуем.

По 2-м стихословии седален, глас 8:

Любовь твоѡ Божественная возведѣ тя, пастыря изрядна, словесному множеству: / всею бо душею к Божественней любви прилепился еси / и святым честным храмам создал еси, / и лепоту сим священными иконами утворяя, / Божественному Предтечи и пресветлым учителем Васѡлию, Григѡрию и Иѡанну с мудрым Николаем, / преподобному Онѡфрию и Сѣргию чудотворцу, / пѣсньми же похваляя чудеснаго Варлаама и Савву, / Евфѡмѡм же со Иѡною митрополитом. / Тѣмже ныне сликуеша им, / с нимиже, ѡтче священне, / моли о нас, любовию чтущих честную память твою.

Слава, и ныне, Богородичен:

Недвѡжимое утверждение веры и честный дар душ наших, / Богородицу пѣсньми величаем, вернии: / радуйся, Камень Жизни во чреве Твоём вместившая; / радуйся, концев надеждо, скорбящих заступление; / радуйся, Невѡсто Невѡстная.

По полиелеи седален, глас 8:

Возлюбившаго за благоутробие земных / возлюбил еси Христа, / славою спасительною тебе прославльшаго, / добродетельми священными сияюща, яко Бѡгови угождающа. / Тѣмже и всем ратным мир возвещающа, / дѡмонская стремления

возражающа, / иерарше Иѡно блаженне. / Емуже не престаѣ моляся согрешений прощенье даровати / чтущим любовью святую память твою.

Слава, и ныне, Богородичен:

Внапѣсти многоплетенная впад от враг видимых и невидимых, / бурею одержимъ безчисленных согрешений моих, / и яко к теплomu защищению и покрову моему, Чистая, / ко пристанищу притекаю Твоея благодати. / Темже, Пречистая, из Тебѣ Воплощенному без семени, / молися прилежно о всех рабѣх Своих, / непрестанно молящихся, Богородице Пречистая, / молящи Егѡ присно согрешений оставление даровати / воспевающим достойно славу Твою.

Степенна, 1-й антифон, глас 4. Прокимен, глас 4: Честна пред Господем смерть преподобных Егѡ. **Всякое дыханіе: Евангелие от Иоанна, зачало 35 от полу:** Рече Господь ко пришедшим к Немю иудеом: не входяй двѣрми:

По 50-м псалме стихира, глас 6:

По имени твоему и житиѣ, преблаженне, / по Господни бо заповеди целость голубицы войстинну стяжал еси: / с кротостию бо незлобием удобрися прекрасная душа твоя, / юже яко любезну невесту / и нескверну представити потщался еси / Пречистому Единому и Безсмертному Жениху, Христу. / Того моли, иерарше, присно / мир мiрови даровати / и душам нашим велию милость.

Канон Богородицы со ирмосом на 6, глас 4, и святаго канон на 8. Глас 4.

Песнь 1

Ирмос: Трестаты крепкия, / Рождейся от Девы, / безстрастия во глубинѣ / души тричастное потопи, молюся, / да Тебѣ, яко в тимпане, / во умерщвлении телесе / побѣдное воспою пение.

Избра ты благодать, отче, от утробы матери твоея / поставити ты пророка людем своим, / ходатайствовать ко Господу о спасении мiра / и оставлении невеждеств их, блаженне.

Рукою великаго архиерея Иѡны / со иже о нем собора священных мужей судом / приемлеша помазание архиерейства, Духом воздвигаемъ, Иѡно, /

и пастырь великому граду, священне, полагаемь.

Блаженнаго Михайла сбьется на тебе проречение, / не внешнюю бо на тебе нищету зряще, / но внутреннее преспеяние души твоей духовными очесы смотря, / аще и еще отрочищу ти сущу, блаженне.

Богородичен: Пресветлая свеще Солнца славы, / души моей огонь, угашенный присно унынием, возжзи, / Божественных дел елеем, Пречистая, напаяющи, / да верою и любовью присно Тя славлю, Богородительнице.

Катавасия: Отверзу уста моя:

Песнь 3

Ирмос: С высоты снишел еси волею на землю / превышше всякаго начала / и смиренное вознесл еси / из ада преисподняго / естество человеческое, / несть бо свят, паче Тебе, Человеколюбче.

От юности твоея Божественное просвещение, Ино, на тебе сияше, / якоже преподобный провиде, иже миру юрод, Богу же премудр: / яко Богу избран еси из чрева матери твоея, священне.

Мир усмирися молитвами твоими, иерарше, во твоём епископстве, / но, яко тогда, и ныне Божие человеколюбие умоли прилежно / в мире утвердиться миру, Ино.

Плоды Господу начаток дел твоих принесл еси, / плоды же земли молитвами твоими умножил еси. / И ныне моли, блаженне, земли нашей плодоносие присно подавати, / яко благопослушна ты имеем.

Богородичен: Евину древнюю клятву, / Христа рождши, Мати Чистая, пресветло разрешила еси, / Иже всех венчавающаго благословеньми: / несть бо, Пречистая, паче Тебе, инья Помощницы.

Седален, глас 4:

Добродетельми светяся, отче, паствити Христовы овцы поставляемь, / и преподобнаго Сергия красен храм внутрь епископии воздвигл еси. / Яко душею любя того, подвиги его почитая / и смолитвенника себе о стаде твоём ко Господу полагая, / ныне срадуешися Ему, отче священне, / моли спастися душам нашим.

Слава, и ныне, Богородичен:

Обновила еси, Чистая, Божественным Рождеством Твоим / истлевшее во страстях земнородных мертвенное существо / и воздвигла еси вся от смерти к жизни нетления. / Темже Тя по долгу блажим вси, Дево Препрославленная, / якоже прорекла еси.

Песнь 4

Ирмос: Любве ради, Щедре, Твоего образа / на Кресте Твоем стал еси, / и растаяшася языцы: / Ты бо еси, Человеколюбче, / крепость моя и хваление.

Божественнаго Предтечи, великаго Иоанна, храм священней воздвигл еси, / яко верен, душу тому и тело в снабдение * возлагая, отче священне.

Яко рачитель и подражатель тепл Крестителю Господню показался еси, / темже в храме его, егоже тому создал еси, тело твое полагаша, / и во дворы его приятися желая.

Возлюбил еси, архиерею, священных мужей / песнями восхваляти священныя их памяти, / яко рачитель доброты их и подражатель деяний Боголюбезных.

Богородичен: Имeya Тя Помощницу, когo убоюся когда или устрашуся? / Кто же, хотя скорбная навести рабу Твоему, / и не устрашится Тебе, Пречистая, / и не падет под нозе?

Песнь 5

Ирмос: Нечестивии не узрят славы Твоея, Христe, / но мы Тя, Единородне, / Отеческия славы сияние Божества, / от нощи утренююще, / воспеваем Тя, Человеколюбче.

Приносимое яко честно возложение Богу / и освященно первопрестольником Россійским, Ионою, / твое священное паствительства возведение, / яко пасущу ти Господни люди, Ионо святителю, / преподобием и кротостию.

Аще и на преставление митрополитом Ионою зовом самом погребсти его, / отрeкся еси старости ради приити, Ионо священне, / обаче обещахся

* снабдение — сохранение, спасение

есї емú / вїдети тогó по своём преставлєнии во свєте Христóве.

Пєсньми почєл еси пámять иерáрха, Ио́ны митрополїта, / и хвалáми, яко достойно, ублажїл еси тогó: / сам ны́не, иерáрше Ио́но, причáствуеши похвалáм егó / и по сотворєнию твоємú к блїжнему восприємлєши.

Богородичен: Низложї, Влады́чице, врагóв моїх шатáние, Пренепорóчная, / Тя́ бо їмам и Предстáтельница, и надєжду, и пóмощь крєпкую. / Ты́ мя соблюди́, Чїстая, навєта вра́жия, избавля́ющи лáяния тех.

Песнь 6

Ирмос: Пучїною житєйскою / деяньми мойми снїдóх во áд, / но, яко от кїта Ио́на, тáко вопїю: / из глубины́ зóл возведї, молю́ся, / Сы́не Бóжий и Слóве.

Прильпє любóвию душá твоя́ к Господню́ Крестїтелю, святїтелю Богоблаженне, / тэмже тєло твоє честнóе в честнєм хра́ме егó нетлєнно / во мно́га лєта соблюде́но явїся.

Красотá говєния твоегó єже ко Гóсподу / привлечє́ благодáть благолєпию́ душї твоея́, священне, / и возведє́ тя Вели́кому Новúграду отцá и первопрестóльника, / Господня́ священства преподóбна показá.

Прослáви тя Господь, Ио́но, / тєло твóе соблюде́ во мно́га лєта нетлєнно, / явля́я тя óбщника раб Своїх, їхже подражáтель в житїи́ был есї, / сим и по смєрти достойно соублажáешися, блаженне.

Богородичен: Всесвятáя Дєво, Предстáтельница и покрóве всех вєрных, / предстáни и избáви ны враг нáших нападєния, / и от всякїя скóрби, и Стрáшнаго Судá испытáния, / да вєрою прїсно пою́ Тя.

Кондак, глас 4:

Свѣше приял есї́ Божєственную́ благодáть / ходатайствовати́ Бóгу и челове́ком, / яко архиерє́й возношєние вознося́, / и мир лю́дем твоим снося́, / и обїлие плодóв, Ио́но блаженне; / ты́ бо есї́ Вели́каго Новáграда похвалá / и сущих о нем рáдость.

Икос:

Похва́лим досто́йно ны́не иерáрха, / яко от
чрѣва мáтере своея избрán Бóгу во освящѣние, / и,
óтрочищ еще сый, / пронаречѣн во архиерейство
гáду своему́ от Бóга. / Тѣмже не от человек
произведѣн архиерей, / но свѣ́ше пронаречѣн и
Духом пома́зан, / священнодѣйствуя Бого-
приятно, / и умирѣние, и тишинú молíтвами
своими́ дáрует, / и обилие пло́дов. / Тóй бо Вели́ка-
го Нова́града слава / и всех, иже о нем, рáдость.

Песнь 7

Ирмос: Авраáмстии иногдá в Вавилóне óтроки /
пѣщный пла́мень попрáша, / пѣсньми взывáюще: /
оте́ц нáших Бóже, благословѣн еси́.

Зи́ждеши Божѣственному́ Имени / богáтною
руко́ю в пусты́нях уда́лено, Ио́но, / священныя
хра́мы вели́ких Богоугодник, / Божѣственных арх-
иерей с преподóбными.

Но́ву обíтель составляеши вели́ких три́ех
иерáрх / и мона́шестей чертѣ благоути́шно приста́-
нице, óтче, / мѣстным же удалѣнием обручáя им
безмóлвие.

Виногáрд насажда́я Бóгу, / огрáду священную,
вино́ износящую веселя́щее, / в священных хра́мах
Божѣственное пѣние, / Иже в Трóице Еди́ному,
хвали́му и благослови́му Бóгу отѣц нáших.

Богородичен: Еди́ну Всесвятúю, Еди́ному Бóгу
вселѣние еди́но пречы́сто, / от Иоакима и А́нны
ражда́ему, священным хра́мом почитáя, / яко в нём
воспева́ти всепѣтое Дѣвы Рождество́.

Песнь 8

Ирмос: Отроки благочестивыя в пещи́ / Рожде-
ство́ Богорóдичо спасло́ есть: / тогда́ ўбо
образу́емое, / ны́не же дѣйствуемое, / вселѣнную
всю́ воздвизáет пѣти Тебѣ: / Гóспода по́йте дела́ / и
превозносите́ Егó во вся вѣки.

Крóткое и молчали́вое нра́ва твоегó восприѣм,
Госпо́дь, блаже́нне, / поста́ви тя па́стыря лю́дем
Свои́м, / на когó бо при́зрит? / Но на крóткаго и
молча́щаго, трепѣщущаго словѣс Егó.

Уста́ вдов благослови́ша тя, / заступлѣния от
тебѣ сподóбльшеся, иерáрше блаже́нне, / благо-

угождающаго Бóгу, по непорóчному Йову, / и обидимья от насíлия изимáющаго.

Лю́дие твой, священноначáльниче преподóбне, / сéтоваху сиротствá своегó в твоём к Бóгу отшэствии, / дóбраго пáстыря своегó, / ны́не же свящénною пáмятию твоёю возрадовашася вся́ческая.

Богородичен: На Тя всю надéжду спасéния моего́ возложíх, Богомáти Неискусобра́чная, / и Тя призывáю прíсно на помóщь: / спаси́ мя от напáстей и печáли врагá, / разреши́ плени́цу зол моих и Судá мя исхити́.

Песнь 9

Ирмо́с: Сотвори́ держáву мýшцею Своёю, / низложи́ бо си́льные со престóл / и вознесé смире́нныя Бог Изра́илев, / в нíхже посети́ нас Востóк с высоты́, / и напра́вил ны есть на путь ми́ра.

Блаже́ннаго Евфíмия престóл насле́довал еси́, свяще́нне Ио́но, / я́ко подража́тель добродéтелей его́ был еси́ / и, пёсньми сегó ублажив пáмять изря́дно, / сам ны́не обществу́ешися хвалáм его́, / я́ко соводворя́ешися ему́ во Свёте незаходи́мем.

В зéмлю крóтких со архиере́и досто́йно всели́лся еси́, / иерáрше Ио́но, крóткаго Учи́теля ученичé. / Тому́ предстáни о нас, пою́щих пáмять твою́, / и испроси́ нам собла́знов оставлénие, и шу́ия ча́сти в день Судá избавлénие, / и лю́тыя геéнны*, блаже́нне.

Не изнемо́жет всяк глаго́л, и́же от Бóга, / убо́гата и сироту́ Оте́ц сирóт приéмлет, Бог, / И́же на престóле со князи посади́ тя, / лю́дем Своём я́ко досто́йна пáстыря производя́, / отцá сиротáм и застúпника вдова́м тёпла положи́ тя, Ио́но блаже́нне.

Богородичен: Просвети́, Чíстая, любóвнью чту́щих Тя и велича́ющих, / разреши́ стра́сти на́ша. / Тем, Дéво, уста́ви бýрю, лука́ваго собла́зны от сре́ды отжени́, / ва́рвары покори́ правосла́вным лю́дем моли́твами Твоими́.

* геéнна — место вечных мучений

Светилен:

Трисóлнечнаго Свѣта, славы сиянием, триѣх учителей светом озарився, / вся просвещáеши, просияв дѣтелями и благодáтию, преподóбне священноначáльниче.

Богородичен: Сладость Ангелов, скорбáщих радосте, / христиán предстáтельница, Дѣво, Мáти Госпóдня, / заступивши ны, спаси́ от вѣчнаго мучѣния.

На хвалитех стихиры на 4, глас 6.

Подобен: Все отлóжше:

Яко звездá, возсиял еси́ / на твѣрди Церкóвней, / озаряя мир исправлѣнием Слóва йстиннаго, / премудре Йоно: / вдовы́ и сироты́ снабдевáя отѣчески / и ни́щия мѣлуя, / обидимыя изымáя, вражды́ утоляя, / мир утверждáя, / Христóвых заповедей дѣлателью, óтче всесвященне, / проси́ мѣра мѣру, молим тя, / и спасѣния душáм нáшим.

Достóйно на тя архиерейства наречѣние прииде, преподóбне óтче, / отрочáти и ещѣ тебѣ сýщу: / дея́ния бо в тебѣ благоугóдная совоспитáема, / крóтость с незлóбием. / Тем во дворы́ Госпóдни вселя́ешися, / яко такóв подобáше архиерей бы́ти преподóбен, / но яко ймаши дерзновѣние, / моли́, молим тя, / умири́ти мир и спасти́ дýши наша.

Преподóбне архиерейю, / избóлил еси́ приметáти себѣ в домý Бóжии / пáче, нѣже жити́ в сѣлех мѣра, / пóстническими правили́ испытовáшеся, / послѣдую знаменонóсцем вели́ким, / Варлаáму и Сѣргию. / Тѣмже и Госпóдь изведѣ ты пáстыря людем Свойм, / и, яко вѣрну рабý, стрóбити дýши сих поручи́, / за нѣхже и моли́ / помѣловати́ я́ и спасти́.

Слава, глас 4. Самогласен:

Приидите, людие, / йже Вели́каго Новáграда порождѣние, / всяк род и вóзраст, / и пѣсньми почтѣм дóбраго пáстыря, / яко тогó предсто́янием ко Христý / даровáшеся благáя вся граду́ нáшему от Бога / и всем предѣлом егó, / ибо благословѣ́шася блáгостию венцы́ лет епископства егó. / Госпóдь даде́ блáгость егó ра́ди, / и земля́ наша подавáше плоды́ своя́, / насы́тися всяка душá благоволѣ́ния

тогда, / умиришася вси язѣцы противни / и приклонѣшася стран христілюбцы владыки державни, / милостивными очесы смотряще, / тихое промышление подаваху, / радость и мир всяческая приимаху. / Но, о блаженне Ионо, / и ныне таковая даруй людем твоим, / да честную память твою, присно чтуще, ублажаем.


**И ныне, Богородичен.
Славословие великое. И отпуст.
НА ЛИТУРГИИ**

Блаженны от канона, песни 3-я и 6-я. Прокимен святого: Уста моя возглаголют премудрость, и поучение сердца моего разум. Стих: Услышите сий вси язѣцы, внушите вси, живущии по вселенней. Апостол ко Евреям, зачало 318. Аллилуия, глас 2: Уста праведнаго поучатся премудрости, и язык его возглаголет суд. Стих: Закон Бога его в сердце его. Евангелие от Иоанна, зачало 36. Причастен: В память вечную:

Святитель Иона, архиепископ Новгородский, в миру Иоанн, рано остался сиротой и был усыновлен одной благочестивой вдовой Наталией, жившей в Новгороде. Она заботилась о воспитании мальчика и отдала его в школу. Блаженный Михаил Клопский, встретив однажды юношу Иоанна на улице, предсказал, что он будет архиепископом Новгорода, и посоветовал прилежно учиться.

Иоанн принял постриг в Отенской пустыни, в 50-ти верстах от города, был игуменом этой обители, откуда новгородцы в 1458 году избрали его в архиепископы, после смерти святого Евфимия. Святитель Иона пользовался большим уважением в Москве, и в его святительство московские князья не посягали на независимость Новгорода. Московский митрополит, святитель Иона (1449—1461), был другом новгородского святителя и хотел видеть его своим преемником.

Архиепископ Иона по обету, данному им в одну из поездок в Москву, построил в Новгороде первый на севере Руси храм в честь Преподобного Сергия Радонежского (1463). Заботясь о возрождении преданий новго-



родской церковной старины, он вызвал в Новгород известного составителя житий святых иеромонаха Пахо-

мня Логофета, который написал, на основании местных источников, службы и жития наиболее известных новгородских святых и канон святителю Ионе, митрополиту Московскому, по его прославлению.

К тому времени относится начало основания Соловецкого монастыря. Святитель Иона оказал большую помощь и содействие устройству обители. Преподобному Зосиме он выдал особую благословенную грамоту, по которой отдавал (вместе с мирскими властями Новгорода) во владение новой обители весь Соловецкий остров.

Твердый поборник Православия, он горячо защищал свою паству от проповедников католичества, усилія которых были тщетными в Новгородской земле.

После многих трудов святитель,

чувствуя приближение своей кончины, написал духовную грамоту, завещая похоронить тело его в Отенской обители, о которой много заботился при жизни и воздвиг там два храма — в честь Трех Вселенских Святителей и во имя Святителя Николая. 5 ноября 1470 года, причастившись Святых Таин, святитель отошел ко Господу.

До наших дней дошло послание святителя к митрополиту Феодосию, написанное в 1464 году. Житие святителя имеется также в Великих Минеях-Четвех митрополита Макария, 5 ноября. В 1553 году, после открытия мощей архиепископа Ионы, было составлено слово об этом событии, принадлежащее перу инока Зиновия Отенского. Особое сказание о чудесах святителя встречается в рукописях XVII века.

В
ТОЙЖЕ
ДЕНЬ



Святых мученик Галактиона и Епистимии

На Господи, возвах: стихиры мучеником,
глас 8.



Подобен: О, преславнаго чудесе:

Илеком воспитан веры, / мук ради многих,
Галактионе, и скорбей / во Христов
достигл еси возраст, / быв приятна
жертва и совершенно закление / само-
вольным стремлением, всебогате. / О, твердая
твоя и известная веры, / еюже Бога получил еси, /
обожаем ныне совершеннейше.

Художественно взыскала еси благих Источника,
желанных крайнее; / Того светлостью и
душю и помышление озарила еси, Богоблажен-
ная, / и низложила еси крепкими противленими /
многокозненнаго и древняго мучителя, / монаше-
ствующих Божественное украшение, / мученице
многострадальная.

Два светильника пресветлая Востока умнаго /
возсиявают благодатию, / и тварь всю благо-
честно озаряют / превосходящими страданий

свѣтлостями / и врачеваний Божественными разж-
 жении. / Ихже пресвѣтлый праздник почитающе, /
 тех ради вся освящающаго Христа прославим.

Слава, и ныне, Богородичен.

Подобен тойже.

Радуйся, душ просвещение, / грешащих прощѣ-
 ние, / нерадивых исправление; / радуйся, утешѣ-
 ние и радость, / скорбящих Помощнице; / радуйся,
 Благая, немощных душ исцеление; / радуйся, при-
 мирение к Богу и Ходатаице, / Серафимов всех яко
 сущи святѣйши, Чистая.

Крестобогородичен:

Тя видящи пригвождаема на Крестѣ, Иисусе, / и
 страсти приемлюща волю, / Дева и Мати Твоя,
 Владыко, / úвы Мне! — вопияше, — Чáдо сладкое: /
 раны неправедно како терпиши, / врачу, исцели-
 вый человеческое неможѣние / и от тли всех
 избавивый / милосердием Твоим.

Тропарь, глас 4:

Мученицы Твой, Господи, / во страданиях своих
 венцы прияша нетленные от Тебѣ, Бога нашего:
 имуще бо крепость Твою, / мучителей низло-
 жиша, / сокрушиша и демонов немощныя дерз-
 ости. / Тех молитвами / спаси души наша.

НА УТРЕНИ

Оба канона Октоиха и святых канон на 4.
Егоже краегранесие: Сопруг страдальцев несоп-
 ружен пѣти подобает. **Глас 8.**

Песнь 1

Ирмос: *Истрысшему в мори мучительство*
фараоне / и Израиля сущюю наставьшему, / поим
Христу, / яко прославися во веки.

Животворящей Троице, всеблаженне, предстоя
радостно / и, свѣтлыми мълниями просвещаемь, /
испроси просвещѣние совершающим твою святую
память.

Духом Святым распалив твою душу, / пожже
страсти плотскія постом / и погасил еси огнь
безбожия кровными струями.

Род, и богатство, и державу Христа ради
оставив / и взем, преподобне, крест, / монашество-

вал еси Боголепно со Епистимиею блаженною, твоею сопругою.

Богородичен: Заступнице скорбящих, / спасение и надежде ненадеющихся, Богородице всепетая, / моли прилежно избавитися нам от бед.

Песнь 3

Ирмос: Утвержэй словом Небеса / и землю основавый на водах многих, / утверди мя к пению славословия Твоего, Господи.

Дневную звезду от неплодных чресл, мученице, / ты произведё рождающая ты, / ночь безбожия разоряюще.

Чистотою любви одержимь, девствовать научил еси с тобою супружницу; / с неюже пострадав законно, мучениче Галактионе, прославися.

Оле жены, преди искушения мученическая / научившия вся приключаяся откровением Божественным, / и низложивши мучителя.

Богородичен: Умерщвлена страстьми вредными, / жива сотвори мя, Живот рождающая, / разорившаго, Отроковице, всю смертную силу.

Седален, глас 4.

Подобен: Скоро предвари:

Постом украсив твоея зрительное души, / лучами же страдания просвещаяши верныя, Галактионе блаженне. / Тем твой святой и светоносный день верою совершающе, / благочестно тебе вопием: / яко имея дерзновение к Богу, моли спастися нам.

Слава, и ныне, Богородичен:

Обновила еси, Чистая, Божественным Рождеством Твоим / истлевшее во страстях земнородных мертвенное существо / и воздвигла еси вся от смерти к жизни нетления. / Темже Ты по долгу блажим вси, Дево Препрославленная, / якоже прорекла еси.

Крестобогородичен:

Дево Пренепорочная, Мати Христа Бога, / оружие пройде Твою пресвятую душу, / егда распинаема видела еси волею Сына и Бога Твоего. / Егоже, Благословенная, молящи не престай / прощение прегрешений нам даровати.

Песнь 4

Ирмос: Из горы приосененныя, Слове, пророк, / единыя Богородицы, / хотяща воплотитися Боговидно усмотри / и со страхом славословяше силу Твою.

Агнцы словеснии явистеся, пастьрю Всецарю явственно последующе, / и в Небесней ограде, венценосцы, с мученики вселистеся.

Сопряжение избранно явистеся, / разделяюще бразду честнаго и добраго свидительства, / и соделасте клас, в житницах Небесных соблюдаемь.

По Христе усекаеми, доблии, нозе, и главы, и ногти, и руки, / искорените леть нечестия и победоносцы явистеся.

Богородичен: Язык земных достойне не может воспети Тя, Божию Родительницу явльшуюся, / Всенепорочная Пречистая, христиан Прибежище.

Песнь 5

Ирмос: Утренююще вопием Тй, / Господи, спаси ны: / Ты бо еси Бог наш, / разве Тебе, иного не вемы.

Яко млеком, воспитався постнически, Галактионе, / во исполнение совершенное Христовых страстей достигл еси.

Умом очищенным видела еси, Епистимие, / взята превысоко святых на покое.

Мучеников соводворение получиште в Вышних, / безсмертную славу, преподобномученицы, обретоште.

Богородичен: Родила еси в лето Безлетнаго, Пречистая, / бывша Человека, да спасет человека.

Песнь 6

Ирмос: Ризу мне подаждь светлу, / одеяйся светом, яко ризою, / Многомилостиве Христе, Боже наш.

Банею Божественнаго просвещения к беспоружным приступите, / кровию последи крещеся, страдальцы, совершеннейше.

Многим жесточеством душу просветив, постом, / красну явил еси, Галактионе, светом страдания.

На колеснице крови вашае вседше, мученицы, / и путь постигосте Небесный, / в немже почиваете.

Богородичен: Равночестна родила еси Отцу Сына, Неискусобрачная, / и млеко питала еси Питателя всех паче ума.

Кондак, глас 2

Подобен: Вышних ищя:

Мученик Христовых полком причтостеся / добре храбрствовавшим, / светло подвизавшися, Галактионе славне, / с честною супружницею и сострадавшею тебе Епистимиею. / Единому Богу непрестанно молитесь о всех нас.

Песнь 7

Ирмос: Ангелом отроки из огня спасий / и гремящую пещь преложивый на росу, / благословен еси, Боже отец наших.

Уневестившися Словоу, Епистимие, Божественному, / тя обнажити тщаяся ослепила еси неверная, / и покаявшися Света чада явила еси.

Пожрети богом бездушным отрехшися отнюд, / истинному Богу нашему и душ Владыце / жертва, мученицы, честная принесостеся.

На огонь мучения приведен, Галактионе, / кровными потоки безбожия пламень, мучениче, погасил еси, мудре, вопия: / благословен еси, Господи, Боже отец наших.

Богородичен: С Вышними всеми Небесными чинми велегласно Тя вси, / Богородительнице Отроковице, Тобою спасеннии, блажим.

Песнь 8

Ирмос: Безначальнаго Царя славы, / Егоже трепещут Небесныя силы, / пойте, священницы, / людие, превозносите во вся веки.

Равночестны чистотою и равни пощением и страданием суще, / равныя от Бога получите дары, доблии страдальцы.

Сочетание нетлением сохраните, возжелевше Ангельское житие, / с нимиже радостно, Господни страстности, ликуете достойно.

Стой пред судищем мужески, / проповедал еси, мучениче, Единого Господа Бога истинного / и многобожия разрушил еси шатание.

Богородичен: Яко честен и превышший престол, / сущую Бога Вышняго воспоем, людие, / едину по Рождестве Матерь и Деву.

Песнь 9

Ирмос: Проявленное на горе законоположнику во огни и купинэ / Рождество Приснодевы / в наше верных спасение, / песнями немолчными величаем.

Столп явился еси, Богомудре, Небесный, / Церкви основание и столп благочестия, / и мучеников и постников, Галактионе, утверждение / и Божественное удобрение.

Процвела еси в девственных цветах, якоже шипок *, / и во удолиях ** мученических благоовстующи, яко крин *, / Епистимие дево, мученице Господня. / Тем ты согласно ублажаем.**

Светом Трисолнечная светлости озарени, / к тому преидосте ныне, сынове Света явльшеся. / Молитесь просвещение даровати, мученицы, верою хвалящим вы.

Богородичен: Ты еси, Богородице, оружие наше и стена, / Ты еси заступление к Тебе прибегающим: / Ты ныне на молитву подвизаем, да избавимся от враг наших.

Святые мученики Галактион и Епистимия. Богатые и знатные супруги Клитофон и Левкиппия, жившие в городе Емесе Финикийском, долгое время были бездетны. Много золота отдали супруги языческим жрецам, но оставались бесплодными.

Городом Емесом в III-м веке управлял поставленный Римом сириец Секунд. Он был беспощадный и ревностный гонитель христиан и для их устрашения велел выставить на улицах изощренныя орудия пыток. Достаточно было малейшего подозрения в принадлежности к «секте галилеян» (так язычники именовали христиан), чтобы человек был схвачен и

предан мучениям. Несмотря на это, многие христиане добровольно отдавали себя в руки палачей, желая пострадать за Христа.

Один старый человек, по имени Онуфрий, скрывавший под рубищем нищего свое иноческое и пресвитерское достоинство, ходил по Емесу из дома в дом, прося подаяния. Везде, где он видел возможность отвратить людей от языческого заблуждения, он проповедовал о Христе. Однажды он пришел в богатый дом Левкиппии. Принимая от нее милостыню, инок почувствовал, что женщина печальна, и спросил ее о причине этой печали. Она поведала старцу о своем

* шипок — цветок розы

** удолия — долина

*** крин — лилия

семейном несчастье. Утешая ее, Онуфрий рассказал ей о Едином Истинном Боге, о Его всемогуществе и милости, о том, что Он всегда дает просимое тем, кто с верой обращается к Нему. Надежда наполнила душу Левкиппии. Она уверовала, приняла святое Крещение и стала тайной исповедницей христианства. Вскоре после того во сне ей было открыто, что она родит сына, который станет истинным последователем Христа. Сначала Левкиппия скрывала от мужа свою радость, но когда младенец родился, она открыла мужу свою тайну и убедила его креститься.

Младенца назвали Галактионом. Родители воспитали его в христианской вере и дали ему прекрасное образование. Он мог сделать блестящую карьеру. Галактион же стремился к непорочной, иноческой жизни — уединению и молитве.

Когда Галактиону было 24 года, отец решил его женить и нашел невесту, красивую и знатную девушку по имени Епистимия. Сын не противился воле отца, однако, по Промыслу Божьему, свадьба была на некоторое время отложена. Часто посещая невесту, Галактион постепенно открыл ей свою веру, обратил ее ко Христу и сам тайно крестил ее. Вместе с Епистимией крестился и один из ее рабов Евтолмий. Новообращенные решили, по примеру Галактиона, посвятить себя иноческой жизни. Покинув город, они скрылись на

горе Публион, где было два тайных монастыря, мужской и женский. Новые иноки должны были взять на себя основную физическую работу, так как насельники обоих монастырей были стары и немощны. Несколько лет иноки подвизались в трудах, посте и молитвах. Однажды Епистимии было во сне видение: она и Галактион стоят в дивном дворце перед Светлым Царем, и Царь подает им золотые венцы. Это было предвестием их скорой мученической кончины.

Язычникам стало известно о существовании монастырей, куда был послан отряд, чтобы схватить их насельников. Однако монахи и монахини успели укрыться в горах. Только Галактион не захотел бежать и остался в келье, читая Священное Писание. Когда Епистимия увидела, что воины ведут связанного Галактиона, она стала умолять игумению отпустить ее, потому что хотела принять муки за Христа вместе со своим обручником-учителем. Игуменья со слезами благословила Епистимию на подвиг.

Святые перенесли тяжелейшие пытки, молясь и прославляя Христа. По приказу судьи их четвертовали.

Евтолмий, бывший раб Епистимии, брат ее во Христе и сподвижник в иноческом делании, тайно предал честному погребению тела святых мучеников и составил в назидание современникам и потомкам их житие.

